

Komandant EUFOR-a i visoki predstavnik/specijalni predstavnik EU sastali se sa generalom NATO-a McCollom



Komandant EUFOR-a kontra-admiral Hans Jochen Witthauer i visoki predstavnik/specijalni predstavnik EU Miroslav Lajčák sastali su se danas sa generalom Johnom McCollom, koji je naslijedio generala sir Johna Reitha. General McColl je 22. oktobra 2007. godine preuzeo dužnost zamjenika vrhovnog komandanta savezničkih snaga za Evropu i komandanta operacija EU za operaciju ALTHEA.

Ovo je prva posjeta generala McColla Bosni i Hercegovini od kada je imenovan na ovu dužnost i dolazi u vrijeme koje je od ključnog značaja za reforme i integracijske procese u zemlji. General McColl je dobio detaljan izvještaj o vojnoj i političkoj situaciji u BiH od komandanta EUFOR-a i visokog predstavnika/specijalnog predstavnika EU, a također se sastao sa predstavnicima NATO-a i EUPM-a.

Tokom sastanka sa visokim predstavnikom/specijalnim predstavnikom EU, general McColl je izrazio punu podršku EUFOR-a visokom predstavniku, njegovom mandatu i njegovoj važnoj misiji u BiH. General McColl je istaknuo značaj nastavljanja bliske i odlične poslovne saradnje između EUFOR-a i Ureda visokog predstavnika/specijalnog predstavnika EU, te

naglasio da će EUFOR nastaviti davati doprinos sigurnom i bezbjednom okruženju u cijeloj BiH, u skladu sa mandatom koji proističe iz Daytonu. Svi učesnici su se složili da je povratak normalnom vršenju vlasti, ekonomskom razvoju i iznad svega povratak punom poštivanju Daytonskog mirovnog sporazuma od imperativnog značaja. Zajednički zaključak sa ovog sastanka je da je evropski put jedino rješenje za postizanje dugoročne stabilnosti u cijelom regionu. To je najbolji put naprijed za BiH.

“To znači da moramo raditi kako bi došlo do korjenite promjene u dinamici na domaćoj političkoj sceni, a to je promjena koja će omogućiti potpisivanje sporazuma o stabilizaciji i pridruživanju, ali i ustavnu reformu te konsolidaciju BiH kao miroljubive i funkcionalne države u kojoj se poštuje zakon”, izjavio je visoki predstavnik/specijalni predstavnik EU Miroslav Lajčák.